



列傳第二十五

陳書三十一

散騎常侍姚思廉撰

蕭摩訶

任忠

樊毅弟猛

魯廣達

蕭摩訶字元胤蘭陵人也祖覲梁右將軍父諒
梁始興郡丞摩訶隨父之郡年數歲而父卒其
姑夫蔡路養時在南康乃收養之稍長果毅有勇

力侯景之亂高祖赴援京師路養起兵拒高祖
摩訶時年十三單騎出戰軍中莫有當者及路
養敗摩訶歸于侯安都安都遇之甚厚自此常
隸安都征討及任約徐嗣徽引齊兵爲寇高祖
遣安都北拒齊軍於鍾山龍尾及北郊壇安都
謂摩訶曰卿驍勇有名罕聞不如一見摩訶對
曰今日令公見矣及戰安都墜馬被圍摩訶獨
騎大呼直衝齊軍齊軍披靡因稍解去安都乃
免天嘉初除本縣令以平留異歐陽紇之功累

遠巴山太守太建五年衆軍北伐摩訶隨都督
兵明徹濟江攻秦郡時齊遣大將尉破胡等率
衆十萬來援其前隊有蒼頭犀角大力之號皆
身長八尺膂力絕倫其鋒甚銳又有西域胡妙
於弓矢弦無虛發衆軍尤憚之及將戰明徹謂
摩訶曰若殪此胡則彼軍奪氣君有關張之名
可斬顏良矣摩訶曰願示其形狀當爲公取之
明徹乃召降人有識胡者云胡著絳衣搏皮囊
弓兩端骨弭明徹遣人覘伺知胡在陣乃自酌

酒以飲摩訶。摩訶飲訖，馳馬衝齊軍，胡挺身出陣前，十餘步，設弓未發，摩訶遙擲銃，正中其額，應手而仆。齊軍大力十餘人出戰，摩訶又斬之。於是齊軍退走，以功授明毅將軍，負外散騎常侍，封廉平縣伯，邑五百戶。尋進爵為侯，轉大僕卿，餘如故。七年，又隨明徹進圍宿預，擊走齊將王康德，以功除晉熙太守。九年，明徹進軍呂梁，與齊人大戰，摩訶率七騎先入手，奪齊軍大旗，齊衆大潰，以功授持節武毅將軍，譙州刺史。

及周武帝滅齊，遣其將宇文忻率衆爭呂梁，戰於龍晦，時忻有精騎數千，摩訶領十二騎深入周軍，縱橫奮擊，斬馘其衆。及周遣大將軍王軌來赴，結長圍，連鑊於呂梁下流，斷大軍還路。摩訶謂明徹曰：「聞王軌始鑊下流，其兩頭築城，今尚未立，公若見遣擊之，彼必不敢相拒，水路未斷，賊勢不堅，彼城若立，則吾屬且為虜矣。」明徹乃奮譁曰：「奉旗陷陣，將軍事也。」長筭遠略，老矣。摩訶失色而退。旬之間，周兵益至，摩訶

又諫於明徹曰今求戰不得進退無路若在瀋軍
突圍未足為恥願火入步兵梁馬輦徐行摩訶
領鐵騎數千驅馳前後必當使公安達京邑明
徹曰弟之此計乃良圖也然老夫受服專征不
能戰勝攻取今被圍逼處斬實無地且步軍既
多吾為揔督必須身居其後以相率兼行弟馬軍
宜須在前不可遲緩摩訶曰率馬軍夜發先是
周軍長圍既合又於要路下伏數千里摩訶選精
騎八十率先衝突自後眾騎繼焉比且達淮南

高宗詔徵還授右衛將軍十一年周兵寇壽陽
摩訶與樊毅等眾軍赴援無功而還十四年高
宗崩始興王叔陵於殿內手刃後主傷而不死
叔陵奔東府城時眾心猶預莫有討賊者東官
舍人司馬申啓後主馳召摩訶入見文德乃率
馬步數百先趣東府城西門屯軍叔陵惶遽自
城南門而出摩訶勒兵追斬之以功授散騎常
侍甫頭大將軍封綏遠郡公邑三千戶叔陵素
所苦三聚金帛累巨萬後主悉以賜之尋授侍

中興大將軍加左光祿大夫舊制三公青閣
聽事置鳩尾後王特賜摩訶自黃閣施行
馬聽事寢堂並置鳩尾仍以其女為皇太子妃
會摩訶嘗賀若弼鎮廣陵窺觥江左後王委摩
訶舊德之任授南徐州刺史餘並如故禎明三年
正月元會徵摩訶還朝賀若弼垂虛濟江襲京
摩訶請兵逆戰後王不許及若弼進軍鍾山
摩訶又請曰賀若弼懸軍深入聲援無繼且其
壘斷未堅人情惶懼出兵掩襲必大克之後王

不許及隋軍大至將出戰後主謂摩訶曰公可
為我一決摩訶曰然來行陣為國為身今日之
事兼為妻子後主多出金帛頒賞諸軍令中
軍督廣達陳兵白土崗是衆軍之南偏鎮東大
將軍任忠文之護軍將軍樊毅都官尚書孔範次之
摩訶軍最居北衆軍南北亘二十里自尾進退
各不相知賀若弼初謂木戰將輕騎登山觀望
形勢及見衆軍因馳下置陣廣達首率所部進
薄弼軍廣達却後而復振更分軍趨北突諸將引

範出戰兵交而走諸將支離陸猶未合騎卒潰
散駐之弗止摩訶無所用力焉為隋軍所執及
京城陷莫若瑒置後主於德教殿令兵衛守摩
訶請瑒曰今為囚虜命在斯須願得一見舊主
死無所恨瑒哀而許之摩訶入見後主俯伏號
泣仍於舊厨取食而進之辭訣而出守衛者皆
不能仰視其年入隋授開府儀同三司尋從漢
王諒詣并州同諒作逆伏誅時年七十二摩訶
訥於語言恂恂也者至於臨戎對寇志氣奮發

所向無前年未弱冠隨侯安都在京口性好射
獵無日不畋遊及安都東征西伐戰勝攻取摩
訶功寔居多子世廉少警俊敢勇有父風性至
孝及摩訶凶終服闋後追慕彌切其父時負故
脫有所言及世廉對之哀慟不自勝言者為之
感歎終身不替父斧時人嘉焉摩訶有騎士陳
智深者勇力過人以平叔陵之功為巴陵內史
摩訶之義也其妻子先已籍沒智深收摩訶死
手自殮斂哀感行路君子義之潁川陳禹亦

摩二河江... 識言涉獵經史解風角... 頗能屬文... 官至三府諮議

任忠字奉誠... 汝陰人也... 孤微不為

鄉世無所齒... 多計略... 尤善騎射

州甲一少年皆附之... 梁鄱陽王蕭範為合州刺史

聞甘芳名引置左右... 侯景之亂忠率鄉黨數百人

隨至... 太守梅伯龍討景將王貴顯於壽春母

戰... 會... 胡通聚眾寇抄範命忠與主帥

梅田... 并軍討平之... 仍隨範世子嗣率眾入援

會... 城陷旋成晉熙侯... 景... 授... 將軍王琳

立... 署忠為巴陵太守... 琳敗還朝... 明教將

軍安湘太守仍隨侯瑱進討巴湘累遷... 家... 大

守衡陽內史華皎之舉兵也... 忠預其謀及皎平

高宗以忠先有密啓於朝廷釋而不問... 太建初

隨章昭達討歐陽紇於廣州... 以功授直閣將軍

遷武毅將軍... 廬陵內史... 杜淹... 為右軍將軍... 年

衆軍北伐... 忠將兵出西道... 擊走齊... 歷陽... 高景

安於大岷... 逐北至東關... 克其東西二城... 進軍

斬譙並拔之徑龍谷肥入其郭進克霍州以功
 授自外散騎常侍封安復縣侯邑五百戶呂梁
 之與師也忠全軍而還尋詔忠都督壽陽新蔡
 霍州緣淮衆軍進號寧遠將軍霍州刺史入為
 左衛將軍十一年加北討前軍車進號平北將
 軍率衆步騎趣秦郡十二年遷使持節散騎常
 侍都督南豫州諸軍事平南將軍南豫州刺史
 增邑并前一千五百戶仍率步騎趣歷陽周遣
 王延貴率衆為援忠大破之王擒延貴後主嗣

位進號鎮南將軍給鼓吹一部入為鎮軍將軍
 加侍中改封梁信都郡公邑三千戶出為吳興
 內史加秩中二千石及隋兵濟江忠自吳興入
 赴屯軍朱雀門後主召蕭摩訶以下於內殿定
 議忠執議曰兵家稱客主異勢客貴遠戰主貴
 持重宜且益兵堅守宮城遣水軍分向南豫州
 及京口道斷寇糧運待春水長上江周羅暉等
 衆軍必必流赴援此良計矣衆議不同因遂出
 戰及敗忠馳入臺見後主言敗狀啓云陛下

具舟楫就上流募軍臣以死奉衛後主信之勅
忠出部分忠辭云臣處分訖即當奉迎後主令
宮人裝束以待忠久望不至隋將韓擒虎自新
林進軍忠乃率數騎往石子崗降之仍引擒虎
宣共入南掖門臺城陷其年入長安隋摠開府
儀同三司卒時年七十七子幼武官至儀同三
司時有沈客卿者吳興武康人性便佞忍酷爲
中書舍人每立異端唯以刻削百姓爲事由是
自進有施文慶者吳興烏程人起自微賤以吏

用後主拔爲中書舍人俄擢爲湘州刺
史未及之官會隋軍來伐四方州鎮相繼以聞
文慶客卿俱掌機密外有表啟皆由其呈奏文
慶心悅湘州重鎮冀欲早行遂與客卿共爲表
裏抑而不言後主弗之知也遂以無備至平敗
國是二人之罪隋軍旣入竝戮之於前關

樊毅字智烈南陽湖陽人也祖方興梁散騎常
侍仁威將軍司州刺史魚復縣侯父文威散騎
常侍信武將軍益州刺史新蔡縣侯毅累葉將

少言武善射侯景之亂毅率部曲隨叔父文
皎援臺文皎於青溪戰歿毅將宗族子弟赴江
陵仍隸王僧辯討河東王蕭譽以功除假節威
戎將軍右中郎將代兄後為梁興太守領三州
遼軍隨宜豐侯蕭循討陸納於湘州軍文已陵
營頓未立納潛軍夜至薄營軍謀營中將士皆驚
指毅獨與左右數十人營營門力戰斬十餘級
擊鼓申命衆乃定焉以功授持節通直散騎常
侍貞威將軍封夷道縣伯食邑三百戶尋除天

門太守進爵爲侯侯增邑并前二千戶及西魏圍
江陵毅率兵赴援會江陵陷爲岳陽王所執父
之遁歸高祖受禪毅與弟猛舉兵應王琳琳敗
奔齊太尉侯瑱遣使招毅毅率子弟部曲還朝
天嘉元年授通直散騎常侍仍隨侯瑱進討巴
湘累遷武州刺史太建初轉豐州刺史封高昌
縣侯邑一千戶入爲左衛將軍五年衆軍北伐
毅率衆攻廣陵楚子城拔之擊走齊軍於潁口齊
援滄陵又破之七年進克潼州下邳高柵等六

城及呂梁喪師詔以毅為大都督進號平北將軍率衆渡淮對清口統水城與周人相抗霖兩城壞毅分軍自拔尋遷中領軍十一年周將梁士彥將六圍壽陽詔以毅為都督北討前軍事率水軍入焦湖尋授鎮西將軍都督荆郢巴武四州水陸諸軍事十二年進督沔漢諸軍事以公事免十三年徵授中護軍尋遷護軍將軍荊州刺史後主即位進號征西將軍改封逍遙郡公邑三千戶餘竝如故入為侍中護軍將軍及隋

兵濟江毅謂僕射王褒曰京口採石俱是要所各須銳卒數千金翅二百都下江中上下防捍如其不然大事去矣諸將咸從其議會施文慶等寢隋兵消息毅訂不行京城陷隨例入關項之卒

猛字智武毅之弟幼為儻有幹略既壯便弓馬膽氣過人青溪之戰猛自旦訖暮與虜短兵接殺傷甚衆臺城陷隨兄毅西上京累戰功為威戎將軍梁安南侯蕭懿乃延為湘州刺史以猛

為司馬會武陵王肅紀舉兵自漢江東下。乃矩遣行率湘郢之卒隨都督法法和進軍以拒之。時紀已下樓船戰艦據巴沅峽口相持久之不能決。法和揣紀師老志墮因令猛率驍勇二千輕舸百餘乘衝流直上出其不意鼓譟薄之。紀無水倉卒驚駭不及整列皆奔艦登岸赴水死者以千數。時紀心督數百人猶在左右猛將部曲二十餘人蒙楯橫戈直登紀舟。瞋目大呼紀待立備皆披靡相枕無不敢動。猛手擒紀父子三

人斬於船中盡收其器械以功授游騎將軍封安山縣伯邑一千戶。仍進軍撫定梁益蜀境。悉平。軍還遷持節散騎常侍輕車將軍司州刺史。進爵為侯。增邑并前二千戶。永定元年周文育等敗於沌口。為王琳所獲。琳乘勝將略南中諸郡。遣猛追李孝欽等將兵攻豫章。進逼周迪軍。敗為迪所執。尋遁歸。王琳王琳敗還。朝天嘉二年。松以通直散騎常侍永陽太守遷安成府司馬。光武元年。授壯武將軍廬陵內史。大建初。遷

武毅將軍始興平西府長史領長沙內史尋隸
宣昭達西討江陵潛軍入峽焚周軍船艦以功
封富川縣侯邑五百戶歷散騎常侍遷使持節
都督荆信二州諸軍事宣遠將軍荊州刺史入
為左衛將軍後主即位增邑并前一千戶餘竝
如故至德四年授使持節都督南豫州諸軍事
忠武將軍南豫州刺史贈將韓擒虎之濟江也
猛在京師第六子巡攝行州事擒虎進軍攻陷
之巡及家口竝見執時猛與左衛將軍蔣元遜

領青龍八十艘為水軍於白下游亦以禦隋六
合兵後上知猛妻下在隋軍懼其有異志欲使
任忠代之又言工傷意乃止復明三年入于隋

魯廣達字遍管吳州刺史悉達之弟也少慷慨
志立功名虛心愛上賓客或自遠而至時江表
將帥各領部曲動以千數而魯氏尤多釋褐梁
邵陵王國右常侍遷平南當陽公府中兵參軍
侯景之亂與兄悉達聚眾保新蔡梁元帝承制
授假節壯武將軍晉州刺史王僧辯之討侯景

也廣達出境候接首奉軍使僧辯謂沈炯曰魯
晉州亦是王師東道主人仍率眾隨僧辯景平
加員外散騎常侍餘如故高祖受禪授征遠將
軍泉海太守尋授為桂陽太守因辭不拜入為
員外散騎常侍除假節信武將軍北新蔡太守
隨吳明徹討周迪於臨川每戰功居最仍代兄
悉達為吳州刺史封中宿縣侯邑五百戶光祿
大夫元年授通直散騎常侍都督南豫州諸軍
事南豫州刺史華皎稱上流詔司空淳于量

平眾軍進討軍至夏口皎舟師強盛莫敢進者
廣達首率驍勇直衝賊軍戰艦既交廣達憤怒
大呼登艦樓獎勵士卒風急艦轉樓搖動廣達
足跌墮水沈溺久之因救獲免皎平授持節督
武將軍都督巴州諸軍事巴州刺史大建初與
儀同章昭達入峽口拓定安蜀等諸州鎮時周
氏將圖江左大造舟艦於蜀并運糧青泥廣達
與錢道戢等將兵掩襲縱火焚之以功增封并
前二千戶仍還本鎮廣達為政簡要推誠任下

吏民便之及秩滿皆詣闕表請於是詔留二年
五年衆軍北伐略淮南舊地廣達與齊軍會於
大岷大破之斬其數城王張元範虜獲不可勝
數進克北徐州乃授都督北徐州諸軍事徐州
刺史尋加散騎常侍入爲右衛將軍八年出爲
北兗州刺史遷晉州刺史十年授使持節都督
合霍二州諸軍事進號仁威將軍合州刺史十
一年周將梁士彦將兵圍壽春詔遣中領軍樊
毅左衛將軍任忠等分部趣陽平秦郡廣達率

衆入淮爲掎角以擊之周軍攻陷豫霍二州南
北兗晉等各拔諸將竝無功盡失淮南之地廣
達因免官以疾還第十二年與豫州刺史樊毅率
衆北討克郭默城尋授使持節平西將軍都督
鄆州以上十州諸軍事率舟師四萬沿江夏周
安州摠管元景將兵寇江外廣達命偏師擊走
之後主即位入爲安左將軍尋授平南將軍南
豫州刺史至德三年授安南將軍徵拜侍中
爲安左將軍改封綏越郡公封邑如前尋爲中

領軍及賀若弼進軍鍾山廣達率衆於白土岡
南置陣與弼旗鼓相對廣達躬擐甲胄手執柝
鼓率勵敢死冒刃而前隋軍退走廣達逐北至
營殺傷甚衆如是者數四焉及弼攻敗諸將乘
勝至宮城燒北掖門廣達猶督餘兵苦戰不息
斬獲數十百人會日暮乃解甲面臺再拜慟哭
謂衆曰我身不能救國負罪深矣士卒皆涕泣感
郝於是乃就執禎明三年依例入隋廣達捨本
朝淪覆遺教不治尋以憤慨卒時年五十九尚

書令江惣撫極慟哭乃命筆題其棺頭為詩曰昔
泉雖抱恨白日自流名悲君感義死不作負恩
生惣又製廣達墓銘其略曰災流淮海險失金
湯時屯運極心董天亡爪牙背義介胃無良獨
標忠勇力盈禦有方誠可敬曰氣勵嚴霜懷恩感
報撫事何忘初隋將赫捨虎之濟江也廣達長
子世真在新蔡乃與其弟世雄及所部奔擒虎
遣使致書以招廣達時屯兵京師乃自劾廷尉
請罪後主謂之曰世真雖異路中大夫公國之

重臣吾所恃賴豈得自同嫌疑之間乎加賜賞
金即日還營廣達有隊主楊孝辨時從廣達在軍
中力戰陷陣其子亦隨孝辨揮刃殺隋兵十餘
人今竄父子俱死

史臣曰蕭摩訶氣冠三軍當時良將雖無智略
亦一代匹夫之勇矣然口訥心勁恂恂李廣之
徒歟任忠雖勇次彊斷而心懷反覆誣給君上
自蹈其惡鄙矣至於魯廣達全忠守道殉義忘身
蓋亦陳代之良臣也

陳書三十一

陳書三十二

散騎常侍姚思廉撰

孝行

殷不害 弟不供

謝貞

司馬高

張昭

孔子曰夫聖人之德何以加於孝乎孝者自行
之本人倫之至極也凡在性靈孰不由此若乃

奉生盡養送終盡哀或泣血三年絕漿七日思
慕我之慕切追顧復之恩深或德感乾坤誠貫
幽顯在於歷代蓋有人矣陳承梁室喪亂風漓
化薄及迹隱閭閻無聞視聽今之採綴以備
闕云

殷不害字長卿陳郡長平人也祖任齊豫章王
行參軍父高明梁尚書中兵郎不害性至孝居
父愛過禮由是少知名家世儉約居甚貧妻有
弟五人皆幼弱不害事老母養小弟勤劇無所

不至士大夫

以篤行稱年十七任梁廷尉平

不害長於政

事兼師以儒術名法有輕重不便

者翻上書言之多見納用大同五年遷鎮西府

記室參軍彙以本官兼東宮通事舍人是時朝廷

政事多委東宮不害與舍人庾肩吾自日奉事

梁武帝嘗謂肩吾曰卿是文學之士吏事非卿

所長何不使記室不害來耶其見知如此簡文又

以不害善事親稱其母蔡氏錦裙綉帽席被褥

單海軍備七立除東宮步兵校尉太清初遷平

北府諸議參留一舍人竒或於景之亂不言從簡
文入臺及八臺也 陷簡文在中書省景嘗出將兵
入朝、陛見過謁 簡文景兵士皆羌胡雜種衝突
左右、甚不遜侍 簡文景兵士皆羌胡雜種衝突
中庶子徐摛侍 簡文景兵士皆羌胡雜種衝突
請不言與居處、示許之、不言供侍益謹簡文夜
夢在一塊土、意其不悅、以告、不言、不言曰昔晉
文公出奔野人遺之塊、卒反晉國、陛下此甚及事
符且及乎簡文曰若天有徵、冀斯言不妄梁元帝

立以不言為中書郎兼廷尉 簡文將家屬西上
江陵之陷也不言先於別所督戰、失母所在、于
時甚寒、冰雪交下、老弱凍死者皆滿溝澗、不言
行哭、道路遠近尋求、無所不至、遇見死人溝水
中、即投身而下、扶捧、閱視、雖小體凍濕、水漿不入
口、號泣不輟、聲如是者七日、始得母屍、不言憑
屍而哭、每舉音輒氣絕、行收斂、不為之流涕、即
於江陵權殯、與王褒、庾信俱、公長安自是蔬食
布衣、枯槁骨立、見者莫不哀之、大建七年、自周

還朝其年詔除司農卿尋遷光祿大夫八年加
明威將軍晉陵太守在郡感疾詔以光祿大
夫徵還養疾後主即位加給事中初不害之還
也周留其長子僧首因居關中禳明三年京城
陷僧首來迎不害道病卒時年八十五

不佞字季卿不害弟也少立名節居父喪以至
孝稱好讀書尤長車術仕梁起家為尚書中兵
郎其有能稱梁元帝承制授戎昭將軍武陵王
諮議參軍承聖初遷武康令時兵荒飢饉百姓

流移不佞巡撫招集繼貞而至者以千數會江

陵陷而母卒道路隔絕以不得奔赴四載之中

晝夜號泣居喪飲食常為且喪之禮高祖受禪

起為戎昭將軍除妻人至是第四兄不齊始之

江陵迎母喪柩歸葬不佞居喪之節如始聞問

若此者又三年身自負土手植松柏每歲時伏

臘必三日不食世祖即位除尚書左民郎不就

後為始興王諮議參軍兼尚書右丞遷東宮通

事舍人又世祖崩廢帝即位高宗為太傅錄尚

書輔政甚為朝廷所歸不佞素以名節自守又
受委重官乃與僕射到仲舉中書舍人劉師知
尚書右丞王暹等謀矯詔出高宗衆人猶豫未
敢先發不佞乃馳詣相府面啓勅令相王還策
及事發仲舉等皆伏誅高宗雅重不佞特赦之
免其官而已高宗即位以為軍師始興聖諸議
參軍加招遠將軍除太監卿未拜加員外散
騎常侍又兼右丞右丞選通直散騎常侍右
丞如故太建五年卒時年五十六詔贈少師

第三兄不疑次不占次不齊而早亡不佞最小
事第二寡嫂張氏甚謹所得祿俸不入私室長
子梵童官至尚書金部郎

謝貞字元正陳郡陽夏人晉太傅安九世孫也
祖綏梁著作佐郎太子舍人父蘭正貞外郎兼散
騎常侍貞幼聰敏有至性祖母阮氏先苦風眩
盡發便一二日不能飲食貞時年七歲祖母不
食貞亦不食往往如是親族莫不奇之母王氏
授貞論語孝經讀訖便誦八歲嘗為春日閑居

五言詩從舅尚書王筠寄其有佳致謂所親曰
此兒方可大成至如風定花猶落乃這步惠連
矣由是名輩知之年十三略通五經大二百尤善
左氏傳二草隸蟲篆十四丁父艱號頓於地絕
而復蘇者數矣初父藺居母阮氏憂不食泣血
而卒家人賓客懼貞復然從父洽族兄暹乃共
往華嚴寺請長爪禪師爲貞說法仍謂貞曰孝
子旣無兄弟極須自愛若憂毀滅性誰養母邪
自後少進饘粥太清之亂親屬散亡貞於江陵

陷沒高逃難番禺貞母出家於宣明寺及高祖
受禪高還鄉里供養貞母將二十年大建五年
貞乃還朝除智武府外兵參軍事俄遷尚書駕
部郎中尋遷侍郎及始興王叔陵爲揚州刺史
引祠部侍郎阮卓爲記室辟貞爲主簿貞不得
已乃行尋遷府錄事參軍領丹陽丞貞度叔陵
將有異志因與卓自踈於王母有宴遊輒辭以
疾未嘗參預叔陵雅欽重之弗之罪也俄而高
宗崩叔陵肆逆府僚多相連逮唯貞與卓獨不

慶

聖後主仍詔貞入掌中官管記遷南平王友加
招遠將軍掌記室事府長史汝南周確新除都
官尚書請貞為讓表後主覽而奇之嘗因宴席
問確曰卿表自製邪確對曰臣表謝貞所作後
主因勅舍人施文憂曰謝貞在王處未有祿秩
可賜米百石至德三年以母憂去職頃之勅起
還府仍加招遠將軍掌記室貞累啟固辭勅報
曰省啓具懷雖知哀亮在疚而官俟得才禮有
權奪可便力疾還府也貞哀毀羸瘠終不能之

官 台時尚書右丞徐祚 尚書左丞沈客卿俱來
候 貞見其形體骨立祚憐之愴然歎息徐喻之曰
弟年事已襄禮有恒制小宜引割自全貞因更
感 感氣絕良久二人涕泣不能自勝惘然而出
祚謂交頌曰信哉聖門之有孝子客卿曰謝公家
傳 二三孝士大六誰不仰止此恐不能起如何吏
部 出言兵與觀察與貞久善及貞病篤觀察往省
之 問以後事貞曰孤子豐迴所集將隨交壤族子
凱 坐粗白成之已有疏付之此固不足仰塵厚

德即曰送臨時不可移俾為示設謂兒年甫六
歲夕一宿字依仁情景所不能忘敢以為託耳是
夜交初轉末一百斛布二匹後主問察曰謝
貞有何親屬察因答曰貞有一子年六歲即有
勅長給文程初貞之病亟也書疏告族子凱曰
吾少罹酷罰十四傾外蔭十六鍾太清之福流
離絕國二十餘載號天請死遂同有感得還侍
奉守先人墳墓於吾之分日矣不悟朝廷採拾
空傳累致清階縱其殞絕無所酬報今在憂棘

用

暴漏將盡斂手而歸何所多念氣絕之後若直
莽之草野依僧家尸陀林法是五所願正恐過
為獨異耳可謂薄板周身載以靈車覆以華次
致山而埋之又吾終甚兄弟無他子孫靖年幼
少未閑人事但可三月施小牀設香水盞卿兄
弟相厚之情即除之無益之事勿為也初貞在
周嘗侍從王讀王即周武帝之愛弟也厚相禮
遇王嘗聞左右說貞每獨處必晝夜涕泣因私
長訪問知貞母年老遠在江南乃謂貞曰寡人

出居濱管還侍讀還家供養後數年果出
西歸見回奏曰謝貞至孝而母者臣願放還帝
寄王仁愛而遣之因隨聘使杜宇暉還國所有
集位兵亂多不存

高字文昇河內温人也高祖晉侍中光祿
勳采之以南頓王孫紹齊文獻王攸之後父子
庶梁尚書水部侍郎岳陽太守即梁武帝之外
元也高幼聰敏嘗有至性年十二丁內艱孺慕過
禮水漿不入口殆經二旬每至號慟必致悶絕

內外親戚皆懼其不勝喪父子產每曉諭之逼
進餉粥然毀瘠骨立服闋以姻戚子弟預入問
訊忽武帝見高孺歎息良久謂其父子產曰
昨日羅兒面顏頗類使人惻然汝是不墜家風
爲右子子矣羅曰少高小字也釋褐大慶博士累
遷正員郎一父輩之毀人謂其子產曰一日之
內唯進粥麥粥一升墓在祈林連接山草舊多
猛獸昔高結屋數間於後絕之嘗有兩鳩棲宿廬
所馴狎無常祈林一至今猶傳之承聖中除太子

庶子、江陵昭隨例入關而梁室屠戮太子瘞殯
失所、宜以官三品乃抗表周朝求還江陵改葬辭
甚酸切周朝優詔答曰昔主父從戮孔車有長
者之風能越就誅、喪布得陪巨之禮庶子鄉國
已改須懷送往之情始驗忠貞方知臣道即勅
荊州以禮安厝去建八年自周還朝高宗特降
殊禮、賞錫有加、所宜都正議參軍事從安德
官長秋卿通直散騎常侍六中大夫司州六中
正卒、官有集字卷子延義字希忠少沈敏好

學江陵之陷隨父入關丁母憂喪過于禮及高
還都延義乃躬負靈柩晝伏宵行冒履冰霜手
足皆皸痂及至都以中風冷遂致孳癢數年方
愈稍遷鄱陽王錄事參軍沅陵王友司徒從事
中郎



張昭字德明吳郡吳人也幼有孝性色養甚謹
禮無違者父燻常患清渴嘗鱗魚肥乃身自結
網捕魚以供朝夕弟乾字玄明聰敏博學亦有
至性及父卒兄弟並不衣綿帛不食鹽醋日唯

食一升麥屑粥而已每一感動必致嘔血隣里
聞其哭聲皆為之涕泣父服未終母陸氏又亡
兄弟遂六年其毀形容骨立親友見者莫識焉
家貧未得大葬遂布衣蔬食十有餘年杜門不
出屏絕人事時衡陽王伯信臨郡舉乾孝廉固
辭不就兄弟並因毀成疾昭失一眼乾亦中冷
苦癖年並未五十終于家子胤俱絕

高宗世有太原王知玄者僑居于會稽剡縣居
家以孝聞及丁父憂哀毀而卒高宗嘉之詔改
其所居清苦為孝家里
史臣曰人倫之德皆大於孝是以報本反始盡
性窮神孝乎惟孝不可不勗矣故記云塞乎天
地盛哉

列傳第二十六

陸書三十一



列傳第二十七

陳書三十三

世監常侍姚

思廉

儒林

沈文阿

沈洙

戚象

鄭灼

張三 陸詡 沈德武

賀德基

全緩

張譏

顧越

沈不害

王元規

蓋今儒者本因士口之六學斯則王教之典籍先
聖所以明天道正人倫致治之成法也秦始皇
焚書坑儒六學亡自此轉矣漢武帝立五經博士
開弟子員設科射策勸以官祿其傳業者其衆
焉自兩漢登賢以成實經術魏晉浮蕩儒教淪歇

缺五字

公與士庶之通經業之於齊之開國學時復開
置梁武帝開五館建國學以五經教授唯國
學乃經師名置助教云武帝或好經業置序
序釋奠先師躬親試問由之醯語勞之束帛濟
濟焉斯蓋一代之盛矣高祖創業開基前代
離亂未冠於盡寇賊未寧既自不暇給弗遑勸
課世祖以降稍置學官雖博延生徒成業蓋寡
今之採綴蓋亦梁之遺儒云

沈文阿字國衛吳興武康人也父峻以儒學聞

於梁世授桂州刺史。不行文。阿性剛彊。有精力。少習公業。研精章句。二舅。公。叔。明。舅。士。慧。與。並通經術。而文阿頗得之。又博採先儒異同。自為義疏。治三禮三傳。終孝廉。公為梁臨川王國侍郎。累遷兼國子助教。一經博十。梁簡文在東宮。引為學士。深相禮遇。及撰長春義記。多使文阿撮異聞以廣之。及侯景寇。詔開之。別遣文阿招募士卒入援京師。城陷。與張暉。共保矢。興。暉。敗。文阿。鼠于山野。景素聞其名。求之甚急。文阿竄。

太

進不知所出。登樹自縊。遇有所救。救之。便自。而下折其左臂。及景平。高祖以文阿州里表。為。原鄉令。監江陰郡。紹泰元年。入為國子博士。領步兵校尉。兼掌儀禮。自泰清之亂。臺閣故。無有存者。文阿。峻。梁武世嘗掌朝儀。頗有遺。蓋。於是斟酌裁撰。禮度皆自之出。及高祖受禪。文阿。輒。弃官。還武康。高祖大怒。發使往誅之。時。文阿宗人沈恪。為郡。請使者寬其死。即面縛。頸致於高祖。高祖視而笑曰。腐儒復何為者。遂。

藏之高祖崩文阿與尚書左丞徐陵中書舍人
劉師知等議大行皇帝靈座俠御衣服之制語
在師知傳乃世祖即皇帝位剋日謁廟尚書左
丞庾持奉詔遣博士議其禮文阿議曰民物推
移質文殊軌聖賢因機而立教王公隨時以適
宜夫一人無君不散則亂萬乘無主不危則亡
當隆周之日公旦叔父呂召爪牙成王在喪禍
幾覆國是以既葬便有公冠之儀始殯受麻冕
之策斯蓋示天下以有主慮社稷之艱難逮乎

末葉縱橫漢承其弊雖文景刑厝而七國連兵或
踰月即尊或崩日稱詔此皆有為而為之非無心
於禮制也今國諱之日雖抑哀亦爾級之重獨未
序於三臣之儀古禮朝廟進坐正寢此群臣之政
今皇帝拜廟還宜御六極殿以正南面之尊此即
周康在朝一二臣衛者也其鑿金之節周禮以玉
作簪公侯以錫子男執璧此瑞玉也魚鼈負黃竟復
致享天子公璧王后用琮秦燒經典威儀皆滅叔
孫誦定禮元夫前憲實費不珪致享無象公王同

璧鴻臚奏賀若此數事未聞於古後相沿襲至梁
 行之夫稱觴奉壽家國八慶四廟雅樂歌奏懼欣
 今君臣吞哀乃民抑割豈同於惟新之禮乎且周
 康負稱奉珪無萬壽之獻此則謂准明矣三宿三
 咤上宗曰饗斯蓋祭價受福寧謂賀酒邪愚以今
 坐正殿止行薦璧之儀無賀酒之禮謹撰詞而還
 升止寢君臣陪薦儀注如別詔可施行尋遷還直
 散騎常侍兼國子博士領羽林監仍令於東宮講
 孝經論語天嘉四年卒時年六十一詔贈少尉

文阿所撰儀禮八十餘卷經典大義十八
 並行於世諸儒多傳其學

沈洪字弘道吳興武康人也祖休雅梁餘杭令
 父山歿梁國子博士中散大夫洪少方雅好學
 不妄交遊治三禮春秋左氏傳精識彊記五經
 掌句諸子史書問無不答解巾梁湘東王國左
 常侍轉中軍宣城王限內參軍板正威臨賀王
 宣室參軍還尚書祠部郎中時年蓋二十餘天
 下中學者多涉獵文史不為章句而洪獨積思

歷術吳郡朱自合禮贊其甚嘉之及身歿於士
林館議制曰義常使汝為者議及景之亂洙寬
於臨安時世祖在無親就習業及高祖入朝除
太子博士與沈文阿同掌儀禮高祖受禪加貞
不敬騎常侍歷揚州別駕從事中大夫知有司
奏前寧遠將軍建康令沈孝軌門生際三兒牒
稱主人弟靈柩在周主人奉使關內因欲迎喪
久而未返此月晦即是再周主人弟息見在此
有為至月末除靈內外叩首為待主人還情禮

申竟以事諮左丞江德藻德藻議王衛軍云久
長不葬唯主人不變其餘親各終月數而除此
蓋引禮文論在家內有事故未得葬者耳孝軌
既在異域雖已迎喪還期無指諸弟若遂不除
永絕婚嫁此於人情或為未允中原淪陷已後
理有事例宜諮沈常侍詳議沈議曰禮有變正
又有從宜禮小記云久而不葬者唯主祭者不
除其餘以麻終月數者除喪則已注云其餘謂
傍親如鄭所解衆子皆應不除王衛軍所引此

蓋禮之正也。但魏氏東關之役，既失亡屍柩，葬禮無期，議以為禮無終身之喪，故制使除服。晉氏喪亂，或死於虜庭，無由迎殯。江左故復申明其制。李胤之祖，王華之父，並存亡不測。其子制服依時釋纓，此並變禮之宜也。孝軌雖因奉使，便欲逆喪，而戎狄難親，還期未克。愚謂宜依東關故事。在此國內者，並應釋除纓麻，毀靈附祭。若喪柩得還，別行政葬之禮。自天下寇亂，西朝傾覆，流播絕域，情禮莫申。若此之徒，諒非一二寧

可喪期無數而弗除，喪服朝庭自應為之限制。以義斷恩，通訪兩府，識折之禮。袁德藻依沐議奏，可世祖即位，遷通直散騎常侍，侍東宮，讀尋兼尚書。左丞領揚州，大小中正，遷光祿卿，侍讀如故。廢帝嗣位，重為通直散騎常侍，兼尚書。左丞遷戎昭將軍，宣輕車衛，陽王長史，行府國事，帶琅邪彭城二郡丞。梁代舊律，刑囚之法，日下一起，自鞀鼓盡，十二更及比部郎范泉刪定律令，以舊法測立時久，非人所堪，分其刻數，自再上廷尉，以為新制。過

輕詭語集八座丞郎以升。祭酒孔奭行事沈洙。立舍
人命尚書省詳議。議時高宗錄尚書集衆議。之都
官尚書周弘正曰。未知獄所測人有幾人。以秋幾
人不款。須前責取人。口及數。并其罪目。然後更
集。得廷尉監沈仲由。以稱別制。已後有畫羽兒
一人。坐殺。畫憲劉磊。渴等八人。坐偷馬。伏。大口
渡比。依法測之。以訖。一不款。劉道朔。坐犯七。改偷
依法測。立自尾。三日而款。陳法滿。坐被使封藏
阿法。受錢未。以。而。以。弘正議曰。凡小人之獄。

必應以情正言。依法。五聽。驗其虛實。豈可全恣
考掠。以判刑罪。且測人時節。本非古制。近代已
來。方有此法。起自。晡鼓。迄于二更。豈是常人所
能堪忍。所以重械之下。危情之上。無人不。服。誣
枉者多。朝晚二時。同等刻數。進退而求。於。事。為
衷。若謂小促。前期致實。罪不伏。如復時節。延長
則無。億。妄。款。且。人之。所。堪。既有。強。弱。人之。立意
固亦多途。至如。負。直。榜。答。刺。莖。身。無。完。者。豈。孰。就
重。針。竝。極。困。篤。不移。豈。關。時刻。長。短。掠。測。復。優。劣。

夫與殺不辜寧失不經罪疑惟輕功疑惟重斯則言之聖王垂此明法愚謂依范泉著制於事爲允舍人盛權議曰比部范泉新制尚書高弘正明議咸允虞書旨惟輕之旨殺頌敷正之言竊尋廷尉監沈仲由等列新制以後凡有獄十一人其所測者十人款者唯一愚謂深罪之囚獄官宜明加辯析竅考事理若罪有可疑自宜啓審分判幸無濫測若罪非有實驗乃可啓審測立此則枉古且有分刑有所理范泉今牒述漢律云

死罪及除名罪證明白考掠已至而抵隱不服者處當列上杜預注云處當證驗明白之狀到其抵隱之意竊尋舊制深峻百中不款者一新制寬優十中不款者九參會兩文實猛寔異處當列上未見釐革愚謂宜付典法更詳處當列上之文洙議曰夜中測立緩急易欺兼用晝漏於事爲允但漏刻賒促今古不同漢書律曆何承天祖冲之晷之父子漏經並自關鼓至下鼓自晡鼓至關鼓皆十三刻冬夏四時不異若其

日有長短分在中時前後今用梁士小改漏下鼓
之後分其短長夏至之日各十七刻冬至之日
各十二刻伏承命旨刻同勒令檢一日之刻乃
同布四時之用不等廷尉今牒以時刻短促到
罪人不款愚意願去夜測之昧從晝漏之明斟酌
今占之間參貫一漏之義捨秋冬之刻從夏日
之長夏不問寒暑並依今之夏至初夕上測各
十七刻比之古漏則上多昔四刻即用今漏則冬
至多五刻雖冬至之時數刻侵夜正是少日於

事非疑庶罪人不以漏短而為捍獄囚無以在夜
之致誣求之鄙意竊謂允合衆議以為宜依范
臬前制高宗曰沈長史議得中宜更博議左丞
宗元饒議曰竊尋沈議非頓異范正是欲使四
時均其刻數兼斟酌其佳以會優劇即同牒請
寫還刪定曹詳改前制高宗依事施行沫以大
建元辛酉時年五十二

成棗字公文兵部鹽官人也祖顯齊給事中文
靈梁臨賀王府中兵參軍棗少聰慧遊學京都

受三禮於國子助教劉文紹。二年中書大義略
備年十九梁武帝勅策孔子正言并周禮禮記義
表對高第仍除揚州祭酒從事史就國子博士
宋懷方質儀禮義懷方北人自魏攜儀禮禮記
疏祕惜不傳及將亡謂家人曰吾死後感生若
赴便以儀禮禮記遺人付之若其不來即宜隨
屍而殯其為儒者推許如此尋兼太學博士梁
簡文在東宮召袞講論嘗置宴集玄儒之士
先命道學互相質難次令中庶子徐摛馳騁大

義間以據談搗辭辨縱橫難以抗答諸人懾氣
比自失次序時袞說朝聘義摛與往復袞精采
自若對答如流簡文深加歎賞尋除員外散騎侍郎又
遷員外散騎常侍敬帝承制出為江州長史仍
隨沈泰鎮南豫州泰之奔齊也逼袞俱行後自
鄴下遁還又隨程文季北伐呂梁軍敗袞沒于
周久之得歸仍兼國子助教除中衛始興王府
錄事參軍太建十三年卒時年六十二袞於梁
代撰三禮義記值亂亡失禮記義四十卷行

於世

鄭灼字茂昭東陽信安人也祖惠梁衡陽太守
父季微通直散騎侍郎建安令灼幼而聰敏勵
志儒學少受業于皇侃梁中大通五年釋褐奉
朝請累遷員外散騎侍郎給事中安東臨川王
府記室參軍轉平西邵陵王府記室簡文在東
宮雅愛經術引灼爲西省義學士承聖中除通
直散騎侍郎兼國子博士尋爲威戎將軍兼中
書通事舍人高祖世祖之世歷安東臨川鎮北

鄱陽二王府諮議參軍累遷中散大夫以本職
兼國子博士未拜太建十三年卒時年六十八
灼性精勤尤明三禮少時嘗夢與皇侃遇於途
侃謂灼曰鄭郎開口侃因唾灼口中自後義理
逾進灼家貧抄義疏以日繼夜筆毫盡每削用
之灼常蔬食講授多苦心熱若瓜時輒偃卧以
瓜鎮心起便誦讀其篤志如此時有晉陵張崖
吳郡陸詡吳興沈德威會稽賀德基俱以禮學
自命張崖傳三禮於同郡劉文紹仕梁歷王府

中記室天嘉元年為尚書儀曹郎廣沈文阿儀
注撰五禮出為丹陽令王府諮議參軍御史中
丞宗元饒表薦為國子博士陸詡少習崔靈恩
三禮義宗梁世自濟國表求講禮博士詔令詡
行還除給事中定陽令天嘉初侍始興王伯茂
讀遷尚書祠部郎中沈德威字懷遠少有操
操行梁末清未遁於天目山築室以居雖處亂
離而篤學無倦遂治經業天嘉元年徵出都侍
太子講禮傳尋授大學博士轉國子助教每

自學還私室以講授道俗受業者數十百人
率常如此遷太常丞兼五禮學士尋為尚書
儀曹郎後為祠部郎俄丁母憂去職禎明三年
入隋官至秦王府主簿年五十五卒

賀德基字承業世傳禮學祖文發父淹仕梁俱
為祠部郎並有名當世德基少遊學于京邑積
年不歸衣貧罄乏又恥服故弊感冬止衣袂襦
袴嘗於白馬寺前逢一婦人容服甚盛呼德基
入寺門脫白綸巾以贈之仍謂德基曰君方為

盛

重器不义貧寒故以此相遺耳德基問姬姓名不答而去德基於禮記稱為精明居以傳授累遷尚書祠部郎德基雖不至大官而三世儒學俱為祠部時論美其不墜焉

全緩字弘立吳郡錢塘人也幼受易于博士褚仲都篤志研翫得其精微梁太清初歷王國侍郎奉朝請俄轉國子助教兼司義郎專講詩易紹泰元年除尚書水部郎太建中累遷南始興王府諮議參軍隨府詣湘州以疾卒時

年七十四緩治周易老莊時人言多者咸推之

張護字直言清河武城人也祖僧寶梁散騎侍

郎太子洗馬少仲悅梁廬陵王出錄事參軍尚

書祠部郎中護幼聰俊有思理年十四通孝經

論語篤好立三受學于汝南周正母有新意

為先輩推伏梁大同中召補國正正三皇梁武

帝嘗於文德殿詔釋乾坤文言護與陳郡袁憲等

預焉勅令論議諸儒莫敢先出護乃整容而進

諮審循環辭令溫雅梁武帝嘗宴之賜裙襦

策仍去表卿藉古之力譏幼喪母有錯綜經帖
即母之遺製及有所議家人且以告之每歲時
輒對帕嘆噓不能自勝及丁父憂居喪過禮脂
闕召補湘東王國左常侍轉中曹參軍遷士林
館學士簡文在東宮出士林館發著經題譏論
議往復甚見嗟賞自是每有講集必遣使召譏
及侯景寇逆於圍城之中猶往哀太子於武德
後殿講老莊梁臺陷譏歸嶺南難卒不事景景
平麻臨安令高祖受禪除太中大夫轉始興王府

刑參軍天嘉中遷國子助教是時周弘正亦在
國學發周易題弘正第四弟弘直亦在講席弘譏
與弘正論議弘正乃屈弘直危坐厲聲助其共申
理譏乃正色謂弘直曰今日義集辯正名理雖知兄
弟急難四公不得有助弘直曰僕助君師何爲
不可舉座以爲笑樂弘正嘗謂人曰吾母每坐
見張譏在席使人慄然高宗世歷建安王府記
室參軍兼東宮學士轉武陵王限內記室學士
如故後主在東宮集官僚置宴時造玉柄麈尾

新成後主親執之曰當今雖復多士如林至於
堪捉心者獨張譏耳即手授譏仍令於溫文殿
講莊之高第三官臨聽賜御所服衣一襲為太子
位領南平王冠詔議參軍東宮學士尋遷國子
博士與士如故後主嘗幸鍾山開善寺召從臣
坐於寺西南松林下勅召譏暨義竹索鹿尾未
至後主勅取松枝手以屬譏曰可以鹿尾顧謂
羣臣曰此即是張譏後事禎明三年入隋終於
長安時年七十六譏性恬靜不求然利常慕閑逸

所居宅營山出植花果講周易老莊而教授焉
吳郡陸元則生孟博一乘寺沙門法才法雲于
沙門慧休至皆觀道士姚綬皆傳其業譏所撰
周易義三十卷尚書義十五卷毛詩義二十卷
孝經義八卷論語義二十卷老子義十卷莊子
內篇義十二卷外篇義二十卷雜篇義十卷玄
誦通義十二卷又撰遊玄桂林二十四卷後主
嘗勅人就其家為入祕閣後則官至始安王
記室參軍

顧越字思南吳郡鹽亭人也所居新坡黃岡世
有鄉校由是顧氏多儒學焉越少孤以勤苦自
立聰慧有口辯說毛氏詩傍通異義梁太子詹
事周捨甚賞之解褐揚州議曹史兼太子左率
丞越於義理精明尤喜持論與會稽賀文發俱
為梁南平王偉所重引為賓客尋補五經博士
紹泰元年遷國博士世祖即位除始興王諮
議參軍侍東宮讀世祖以越篤老厚遇之除給
事黃明侍郎又領國博士侍讀如故廢帝嗣

除通直散騎常侍中書舍人華皎之構逆也
越在東陽或譖之於世祖示言其有異志詔下獄
囚坐免太建元年卒於家時年七十八時有東
陽龍子孟舒者亦治毛氏詩善談名理梁武世祖
至尋陽郡丞元帝在江州遇之甚重躬師事焉
及至中書舍人天監初除自外散騎常侍
兼國子助教太中大夫太建中卒
沈不害字孝和吳興武康人也祖懿齊尚書祠
部郎父懿梁邵陵王也不害幼孤而脩立好

學十四召補國子生與明經累遷梁太學博士
轉詹事府刑獄參軍長沙王府諮議帶汝南
令天嘉初除衡陽王府中記室參軍兼嘉德殿
學士自梁季喪亂至日在國學未立不書一書曰
臣聞立文建國莫尚於尊儒成俗化民必崇於
教學故東膠西序事隆乎二代環林璧水業盛
於兩京自溥源既遠流波已扇物之感人無不
人之逐欲無節日是以設訓垂範啓導心靈譬彼
梁藍類諸琢玉然後人倫以睦卑高有序忠孝

之理既明君臣之道攸固執禮自其基魯公所以
難侮歌樂已細鄭伯於是前亡干戚舞而有苗
至泮宮成而淮夷服長和沫泗之風載懷淹稷
之盛有國有家莫不尚也梁太清季年數鍾否
剝戎狄外侵燕回內曩天朝聞鼓鼙夕炤烽火洪
儒碩學解散甚於坑圭金典九丘湮滅逾乎惟
堊成均自斯墜業賢於於是不脩衰成之祠加
陳禋享釋菜之禮無繼俎豆頌聲寂寞遂踰一
然後生敦悅不見函杖之儀晚學鑽仰徒深倚

慶之歎陛下繼曆升統握鏡臨寓道洽寰中威
加無外濁流已清重念載廓令星熙章品庶咸
亨宜其弘振禮樂建立庠序式稽古典訂述儒
宮選公卿門子皆入于學助教博士朝夕講肄
使擔簦負笈鏘鏘接疋方領矩步濟濟成林如
切如磋聞詩聞禮一年可以功倍三冬於是足
用故能擢秀雄州揚庭觀國入仕登朝資優學
以自輔莅官從政有繁業以治身轎駕列庭青
紫拾地古者王世子之重其備與國子齒降及漢

儲茲禮不墜暨乎兩晉斯事彌隆所以見師崇
而道尊者也皇太子天縱生知無待審喻猶宜
晦迹俯同專經請業真西對前師肅若舊典昔闕
聖之堂草萊自闢舊宅之內絲竹流音前聖遺烈
深以炯戒況復江表無虞海外有截豈得不開
闡大猷恢弘至道寧可使玄教儒風弗興聖世
盛德大業遂蘊堯年臣末學小生詞無足等輕
獻謏言伏增悚惕詔答曰省表聞之自舊章施
廢微言將絕朕嗣膺寶業念在緝熙而兵革未

息軍國草創常恐前王令典一朝泯滅卿士思
優洽文理可求弘惜大體殷勤名教付外詳議
依事施行又表改定樂章詔使製三朝樂歌八
首合二十八曲行之樂府五年除瀨令入爲尚
書儀曹郎遷國子博士領羽林監勅治五禮掌
策文謚議太建中除仁武南康嗣王府長史行
丹陽郡事轉自外散騎常侍光祿卿尋爲戎昭
將軍明威武陵王長史行吳興郡事俄入爲通
直散騎常侍兼尚書左丞十二年卒時年六十

三不害治經術善屬文雖博綜墳典而家無卷
軸每製文操筆立成曾無尋檢僕射汝西周治
正常稱之曰沈生可謂意聖人乎著治五禮儀
一百卷文集十四卷子志道字崇基少知名解
揚州主簿尋兼文林著作歷安東新蔡主記
室參軍禎明三年入隋

王元規字正範太原晉陽人也祖道實齊員外
散騎常侍晉安郡守父瑋梁武陵王府中記室
參軍元規八歲而孤兄弟三人隨母依舅氏往

臨海郡時年十二郡土豪劉瑱者資財巨萬以女妻之元規母以其兄弟幼弱欲結壻援元規泣請曰姻不失親古人所重豈得苟安異壤輒婚非類母感其言而止元規性孝事母甚謹晨昏未嘗離左右梁時山陰縣有暴水流漂居宅元規唯有一小船居卒引其母妹并孤姪入船元規自執楫棹而去留其男女三人閣於樹杪及水退獲全時人皆稱其至行元規少好學從吳興沈文阿受業十八通春秋左氏孝經論語

喪服及中大通元年詔策春秋與高第時名儒咸稱賞之起家湘東主國左常侍外郎驛侍郎簡文之在東宮引為學士親受禮記之禮喪禮除中宣宣城王府記室參軍公侯景定亂攜家屬避入會稽天嘉初除始興王府功曹參軍領國子助教轉鎮東都陽王府記室參軍領教如故後土在東宮引為學士親受禮記之禮喪服等至天監末復遷國子祭酒新安王伯固嘗因入宮心會元規將議乃啟請執經時論以為

榮俄吟尚書祠部郎自梁代諸儒相傳爲左氏
學者以爲實遠服虔之義難駁杜預凡一百八
十條元規引證通折無復疑滯每國家議吉凶
大禮必參預焉丁母憂去職服闋除鄱陽王府
中錄事參軍俄轉散騎侍郎遷南平王府限內
參軍王爲江州元規隨府之鎮四方學徒不遠
千里者請道者常數千口元規明三年入隋爲
秦王府東閣祭酒年七十四卒於廣陵元規著
春秋發題辭及義記十卷續經典大義十四

卷孝經義記兩卷左傳音二卷禮記音兩卷子
大業聰敏知名時有吳郡陸慶少好學遍知五
經尤明春秋左氏傳節操自高釋褐梁武陵王
國右尚書侍歷征西府墨曹行參軍除婁令值梁
季喪外亂乃置心釋典經論靡不該究天嘉初徵
爲通直散騎侍郎不就永陽王爲吳郡太守聞
其名欲與相見慶固辭以疾時宗人陸榮爲郡
五官掾慶嘗詣榮王乃微服往榮第空壁以觀
之王謂榮曰觀陸慶風神爽峻不可測嚴君

平鄭子其何以尚茲都陽三曰安王俱以記室徵
竝不就乃築空屋居居以禪誦爲事由是傳經受
業者蓋鮮焉

史臣曰夫砥身勵行必先經術樹國崇家率由
茲道故二政因之而至治人倫得之而攸序若
沈文阿之徒各專經授業亦一代之鴻儒焉文
阿加復早創禮儀蓋叔孫通之流亞矣

列傳第二十七

陳書卷二十三

24419.5



#953.2

4363

